



Маҳалла

ЧОРШАНБА

2014 йил 30 апрель,
№36 (1003)

МЕНИНГ БИЗНЕС ГОЯМ

Истиқболли лойиҳага имтиёзли кредит нақд

Ҳар бир давлатнинг келажаги, аввало, ёшларга эътибори, ғамхўрлиги ва хайрихоҳлиги билан белгиланади. Зеро, Юртбошимиз таъкидлаганларидек, «...халқаро ҳамжамият ва тараққий топган мамлакатлар қаторига кўтарилиш учун ҳаракат қилаётган жамият, биринчи навбатда, бугун униб-ўсиб келаётган фарзандларининг ҳар томонлама баркамол авлод бўлиб ҳаётга кириб боришини ўзи учун энг улғу, керак бўлса, энг муқаддас мақсад, деб билади».

■ Акбар РУСТАМОВ
«Mahalla»

Президентимизнинг 2014 йил 6 февралдаги «Ўзбекистон Республикасида ёшларга оид давлат сиёсатини амалга оширишга қаратилган қўшимча чора-тадбирлар тўғрисида»ги қарори ушбу йўналишда амалга оширилаётган иш-лохотларнинг муҳим бўғинидир. Қарор ижросини таъминлаш мақсадида Бухоро вилоятида алоҳида ҳудудий дастур қабул қилиниб, зарур чора-тадбирлар белгилаб олинди.

Дастурнинг 21-бандида белги-

ланган «Менинг бизнес гоям» танловлари ўрта махсус, касб-ҳунар таълими муассасалари битирувчиларини касбга йўналтириш, тадбиркорлик кўникмаларини шакллантиришда муҳим аҳамият касб этмоқда. Ушбу танловнинг Пешку тумани босқичида Афсона тиббиёт коллежи ўқувчиси, Ромитан туманидаги «Миришкор» маҳалла фуқаролар йиғинида истикомат қилувчи Нафосат Хайруллаева миллий нақшлар асосида патдўзлик ва аппликация маҳсулотларини ишлаб чиқариш лойиҳаси билан иштирок этди ҳамда танловнинг вилоят босқичи йўлланмасини қўлга киритди.



■ Ушба олган сурат.

ҲАШАР — ЭЛГА ЯРАШАР

Борлиққа кўркамлиқ, юртга гўзаллик

Мамлакатимизда 9 май — Хотира ва қадрлаш куни муносабати билан халқимизга хос бағрикенглик, ҳамжиҳатлик, меҳроқибат каби эзгу фазилатларни янада юксалтириш мақсадида ҳашарлар ташкил этилмоқда.



■ Т. НИЗОМОВ
«Mahalla»

Шундай хайрия тадбирларидан бири пойтахтимизнинг Олмасор туманида жойлашган Уруш ва меҳнат фахрийлари республика пансионатида бўлиб ўтди.

Эрта тонгдан пансионат ҳовлисида тўпланган «Маҳалла» хайрия жамоат фонди Тошкент шаҳар бўлими ҳамда Олмасор тумани бўлими ходимлари, маҳалла фуқаролар йиғинлари фаоллари 3,2 гектар майдонни ҳашар йўли билан ободонлаштириш ҳамда кўкаламзорлаштиришга киришиб кетдилар.

— Ҳашар давомида ҳудудимизда 3,5 минг тулға яқин дарахт оқлашиб, 2 минг тулға турли гул кўчатлари ўтказилди, — дейди Уруш ва меҳнат фахрийлари республика пансионати директори Турсунмурод Эшиев. — Бу масканда яшаётган 145 нафар уруш ва меҳнат фахрийлари, ака-ёғғиз қариялар ҳудуднинг янада

кўркамлигини кўриб қувондилар. Уларнинг ақсориёти ушбу тадбирда фаол қатнашиб, ҳашарчиларга яқиндан ёрдам беришди.

Ободонлаштириш ишларидан баҳридиларимиз очилиб, пансионат ҳовлисини айланар эканмиз мўъжаз иссиқхонага кўзимиз тушди. Қизилқўтганларимизни пайкаган Турсунмурод ака шундай деди:

—Тўрт сотихли иссиқхонада етиштирилаётган кўчатлар фахрийларимизни витаминларга бой озиқ-овқат билан таъминлашда жуда қўл келмоқда. Ҳовлидаги гул кўчатлари ҳам шу иссиқхонада парваришланади.

Кўнгилдан бошланган ободлик, яратиш-яшнатиш иштиёқи она-Ватанга чексиз меҳр ифодасига айланиб, борлиққа кўркамлиқ, оламга гўзаллик бағишлаганини фахрийларнинг энгсоҳаридан ҳам илғайиб эсим.

Ҳашар доирасида уруш ва меҳнат фахрийларига «Маҳалла» хайрия жамоат фонди Тошкент шаҳар бўлими бошқаруви томонидан 20 та радио тарқатилди.

«БАРКАМОЛ АВЛОД — 2014»



Мусобақаларга ҳозирлик қизғин

Мамлакатимизда Юртбошимиз ташаббуси билан ташкил этилган ёшларни спортга жалб этишнинг уч босқичли тизими тобора такомиллашиб бормоқда. «Умид ниҳоллари», «Баркамол авлод» ва «Универсиада» мусобақалари эндиликда йигит-қизлар учун чинакам маҳорат мактабига айланди.

■ Нурбек АБДУЛЛАЕВ,
Илҳомжон РАҲМАТОВ.

Умумтаълим мактаблари, касб-ҳунар коллежлари ўқувчиларидан тортиб олий ўқув юртлари талабаларигача иштирок этадиган мазкур беллашувларда тажриба орттирган ёшларимиз Осиё ва жаҳон чемпионатларида, кўплаб халқаро турнирларда юқори натижаларни қўлга киритмоқдалар.

— Маҳалламиз ёшлари ўртасида спорт

билан мунтазам шуғулланаётганлар кўпчиликти ташкил этади, — дейди Наманган шаҳридаги «Чаманзор» маҳалла фуқаролар йиғини раиси Махмуд Насриддинова. — Масалан, ҳудудимиздаги Наманган шаҳар 2-тиббиёт коллежидан бутун бир мажмуа барпо этилган. У ерда маҳалламиз йигит-қизлари волейбол, баскетбол, стол тенниси тўғралакларидан шуғулланади. Замонавий футбол майдончаси ҳам бор. Албатта, ҳаммамиз шаҳримизда ўтадиган ўзига хос кичик олимпиада мусобақаларини катта қизиқиш билан кузатаймиз. Ҳозир шаҳримиздаги ҳар

бир спорт иншооти атрофида, кўча ва хиёбонларда кенг қўламли тозалов, ободонлаштириш ва кўкаламзорлаштириш ишлари олиб борилмоқда. Ушбу юмушларда маҳалламиз аҳли ҳам фаол қатнашяпти.

Фуқаролар йиғини раиси бу сафарги «Баркамол авлод» мусобақаларининг Наманган шаҳрида ўтказилишидан барча бирдек мамнун эканлигини, чунки бундай беллашувлар спортни янада оммалаштиришга кўмаклашишини таъкидлади. Боз устига, ушбу баҳсларда мамлакатимиз шўхратини халқаро майдонларда янада ошира оладиган истеводлар кашф этилади ва улар мураббийлар кўмагида «Тезроқ, баландроқ, кучлироқ» шиори остида тайёргарлик кўриб, юксак марафаларни забт этади.

> [4]

ИЖТИМОЙ ШЕРИКЛИК

Манфаатлар мутаносиблигида муҳим мезон

Бугунги кунда фуқаролар ўртасидаги муносабатлар ва ижтимоий аҳамиятга молик масалаларни ҳал этишда давлат ва жамоат ташкилотларининг ижтимоий шериклик асосидаги фаолияти яхши самара бермоқда.

■ Саиджасур САИДҚОДИРОВ,
Фуқаролик жамияти шаклланишини мониторинг қилиш мустақил институти Тошкент вилояти ҳудудий бўлини маси катта мутахассиси.

Шу боис сўнгги йилларда мамлакатимизда ижтимоий шериклик муносабатларини ривожлантиришга алоҳида эътибор қаратилаётгир.

Мамлакатимизда демократик иш-лохотларни янада чуқурлаштириш ва фуқаролик жамиятини ривожлантириш концепциясида билдирилган гоя ҳамда

тактифлар асосида ишлаб чиқилган «Ижтимоий шериклик тўғрисида»ги қонун лойиҳаси Олий Мажлис Қонунчилик палатаси Кенгашига киритилди. Ушбу қонун лойиҳаси жорий йилнинг 11 мартда Олий Мажлис Қонунчилик палатасининг ялпи йиғилишида депутатлар томонидан биринчи ўқишда кўриб чиқилиб, қабул қилинди.

Ижтимоий муносабатларни тартибга солишга қаратилган ушбу қонун лойиҳаси 5 боб, 31 моддадан иборат.

> [2]

ИСТИҚДОЛ БЕРГАН ИМКОН

Ҳаётидан мамнун одамнинг турмуши фаровондир

■ Холбиби САФАРОВА
«Mahalla»

Йўлдаги гурун

Одатдаги иш кўнларининг бирида «Маҳалла» хайрия жамоат фонди Қизилтепа тумани бўлини маси раиси Шокир Ҳабибов кўнироқ қилиб:

— Бизда янгиликлар кўп, катта ўзгаришлар бўляпти, қишлоқларимиздаги шароит шаҳардагидан қолишмайди. Бир келиб, ўз кўзингиз билан кўрсангиз, — деди. Мухбир одам янгиликка қизиқмайди, дарҳол Қизилтепага сафарга отландим.

— «Нехё»ни ўйлаб топганнинг отасига раҳмат, истаган жойингга «ғиз» этиб этиб борасан, қулай, сира чарчатмайди, — деди йўлга тушарканмиз биз билан ҳамроҳ бўлган бир нуроний отахон.

— Нимасини айтасиз, Ўзбекистоннинг машиналари зўр. Қарийб ўн йил мусофирчиликда юриб, дунёда юртимизга тенг келадиган

мамлакат йўқлигини англаб етдим, — дея гап бошлади 35 ёшлар атрофидаги ҳамроҳимиз. — Шунча йил ишлаб, ҳар ой уйга 500-600 доллар жўнапти, зўр пул топялман, деб юрган эканман. Лекин қўшниларим ўз юртида, оиласи бағрида яшаб ҳам мендан кам топишмабди. Тадбиркор ҳамсоям икки қаватли уй қурибди, «Сартива»си бор, Наврўз байрамида ўз ҳисобидан маҳаллага ош берди, қишлоғимиздаги мактабнинг аълочи ўқувчилари учун stipendия ажратган эмиш. Яна бир кўшним — фермер, сутни қайта ишлаш заводи очиб, 15 кишини иш билан таъминлаган. Бир маҳалладош оёл қаштачилик ҳунари орқасидан чет элларда ташкил этилган кўргазмаларда қатнашибди, ҳовли-жойини кўриб ҳавасингиз келади. Буларни мушоҳада қилиб, юртим-юрт ризқ излаб юганимдан уялдим, ишнинг кўзини билган киши ўз юртида кам бўлмастлигига ишондим.

Келган кўним қишлоғимизни та-



нимай қолдим. Янги қурилган мактабу коллеж, тураржойлар бир-биридан шинам, кўркам. Хорижда да бу ёқларга келиб юрмасдим», бир қардош йигит менга: «Сизларнинг Президентингиз одилона сиё-

сат олиб борапти, халқни қўллаб-қувватляпти, ўрнида бўлганимда бу ёқларга келиб юрмасдим», деганди. Ҳақ гапни айтган экан.

Ҳамроҳимизнинг гапини ҳамма

маъқулади. Манзилга этиб келганда барчанинг юз-кўзида мамнунлик ва шўхроналик зоҳир эди...

> [2]



МАСЛАҲАТЧИ ИШ ТАЖРИБАСИДАН

Ибрат бўлган
одамнинг тадбири
таъсирчандир

Бугунги кунда фуқаролар йиғинларида ижтимоий-маънавий муҳит барқарорлигини таъминлашда диний маърифат ва маънавий-ахлоқий тарбия масалалари бўйича маслаҳатчиларнинг алоҳида ўрни бор.

■ **С. ХОЛМУРОДОВ,
Ф. КОМРОН.**

Замира Ашурова Иштихон туманидаги «Домарик» маҳалла фуқаролар йиғинининг диний маърифат ва маънавий-ахлоқий тарбия масалалари бўйича маслаҳатчиси лавозимига тайинланган бу борадаги ишлар жонланди. Илгари ҳудуддаги қишлоқ врачлик пунктнинг хотин-қизлар маслаҳатхонасида узок йиллар меҳнат қилгани унинг маҳалла аёллари билан тез тил топишиб кетишида, айрим оилаларда юзга келган муаммоларининг негизини тегран ҳис этиб, уларга ечим топишда асосдир.

Низоли оила, кўни-қўшини яраштириб қўйишдан ёхуд қимгадир маслаҳат беришдан олдин ўша инсоннинг ўзи элида ҳурматга сазовор, ҳор томонлама ибратга лойиқ бўлмоқи лозим. Айниқса, маслаҳатчи билими, дунёқараш ва талабчанлиги, ташаббускорлиги ва ташкилотчилиги билан йиғин аъзоларига ўрناк бўлиши шарт. Шундагина унинг гапи ўз таъсирини кўрсатади. Замира опа беш нафар фарзандини ўқитиб, ўйли-жойли қилган, оиласи кўпчиликка ўрнак.

Касби нуқтани назаридан ҳам хонадонини, кўча-кўйини ҳамиша саранжом-саришта сақлаш, шахсий гигиена қоидаларига риоя қилиш, озодаликни қадрлаш З.Ашурованинг ҳаёт аъмолига айланган. Шу боис у бошқаларни ҳам шунга ўндайди, эзгу савий-ҳаракатларни ўзгалардан ҳам талаб қилади. Маслаҳатчи атроф-муҳит тозаллигини сақлаш, оилалар мустаҳкамчилигини таъминлаш, хонадон аъзолари ўртасидаги муносабатларни янада яхшилаш мақсадида «Энг тоза ҳовли», «Энг яхши келин», «Энг намунали оила» сингари кўрик-танловларни ўтказишда бош бўлаётди.

Ҳудуддаги фаол аёлларнинг бошини қовуштириб, улар кўмагида хайрли тадбирлар ташкил этмоқда. Жумладан, ўтган йил «Муқаддас она» мавзусидаги тадбирида 110 нафар хотин-қизга совғасалом улашилган бўлса, жо-

рий йил «Жаннат оналар оёғи остида» широйи остида ўтган кечда 60 нафардан иборат ибратли оила бекалари ҳамда ёши улғу онахонлар учун дастурхон ёзилди. Турли байрамлар муносабати билан маҳалладаги 26 та кам таъминланган оила ҳолидан хабар олиниб, уларга ҳадялар улашилди.

«Домарик» маҳалла фуқаролар йиғинидаги тегишли комиссиялар ҳамда «Ота-оналар университети» кўмагида ёшлар ўртасида соғлом турмуш тарзини қарор топтириш, уларни турли зарарли оқимлар таъсиридан асраш, шунингдек, эрта турмушнинг олдини олиш, никоҳдан олдинги тиббий кўрикнинг аҳамияти ҳусусида тарбият ишлари олиб боришга алоҳида аҳамият қаратишмоқда. Ана шу мақсадда ҳудуддаги таълим ҳамда тиббиёт муассасалари мутахассислари иштирокида турли кеча ва учрашувлар ташкил этилаётди. Яқинда уюштирилган «Маҳаллам тарихини ўргана-ман», «Зулфияхоним издошлари» сингари тадбирлар ҳамда шахмат-шаҳса мусобақаларида маҳалла ёшлари фаол иштирок этишди.

— Тарбиятнинг таъсирчан усулларида фойдаланиб иш олиб боришимиз ўз самарасини бермоқда, — дейди Замира Ашурова. — Хусусан, маҳалламиз фаоллари иштирокида эрта турмушнинг олдини олиш бора-сидаги савий-ҳаракатларимиз туфайли бир неча ёш оиланинг никоҳ тўйлари чектирилди. Турли масалаларда маслаҳат сўраб келган опа-сингилларимизга катта ҳаётий тажрибага эга момоларимиз, маҳалламизнинг юзи бўлган зиёлилар билан биргаликда жўяли йўл-йўрик, тегишли тавсия беришмоқда.

Маслаҳатчи тавсиясига кўра, «Маҳалла» хайрия жамоат фонди туман бўлини-маси никоҳ тўйларидаги ўтказиш, доволаниш истагидаги фуқароларга моддий маблағ ажратди.

Бир сўз билан айтганда, маслаҳатчи сифатида фаолият кўрсатиб келаётган З.Ашурованинг иш тажрибаси ҳар томонлама эътирофга лойиқ.

ТАШАББУС

Мафтункор, мусиқий, чиройли фавворалар



Кунлар исий бошлаши билан кеч бўлди дегунча барчамиз пойтахтимиздаги фавворалар рақси томошасига отланамиз. Кувлашмачоқ ўйнаётган томчилар хиромини кузатганимизда ўзгача гўзалликнинг гўвоҳи бўламиз. Дунёда гўзал шаҳарлар, мусиқий фавворалар кўп. Аммо уларнинг бирортаси Тошкентдагидек осойишта, файзли, жозибали бўлмаса керак.

■ **Садоқат МАХСУМОВА
«Mahalla»**

Жорий йилнинг 23 апрель кўни Ва-зирлар Маҳкамаси қарорига мувофиқ, 1 май пойтахтимизда

«Фавворалар сайли» кўни деб эълон қилинди. Сайил Маданият ва спорт ишлари вазирлиги, Тошкент шаҳар ҳокимлиги, «Камолот» ЕИҲ ва Республика Маънавият тарғибот маркази ташаббуси билан ташкил этилмоқда.

Сайил давомида Тошкент шаҳрида-

«БАРКАМОЛ АВЛОД — 2014»

Мусобақаларга ҳозирлик қизғин

< [1]

Дарҳақиқат, айни пайтда Намангандаги қайси бир йирик спорт иншоотида борсангиз, барчасида «Баркамол авлод — 2014» мусобақаларига пухта ҳозирлик кўриляётганига гўвоҳ бўласиз. Мусобақанинг тантанали очилиш ва ёпилиш маросими ўтадиган «Навбахор» стадионида қайта қўриш ишлари якунига ет-

тир. Бу иншоот янада кўркам, замонавий қиёфа касб этмоқда. Йигирма икки минг томошабинга барча қўлайлик яратилмоқда. Футбол майдони қиш-ёзин ям-яшил бўлиб турадиган майса билан қопланади. Спортчилар, мураббийлар, ҳакамлар учун ҳам зарур шароитлар берилган. Қийим алмаштириш, ювениш, беллашувларга тайёрланиш хоналари замонавий ус-

куналар билан жиҳозланмоқда. Янги видео-табло ва бошқа ахборот-коммуникация технологиялари стадионга кўркамлик бағишлаш билан бирга замонавий тус беради.

«Баркамол авлод» мусобақалари ўтадиган ўн иккита спорт иншоотида ҳам кенг миқёсда таъмирлаш, қайта қўриш ишлари олиб борилмоқда. Жами 25 миллиард сўмдан зиёд қурилиш-монтаж ишларини бажариш кўзда тутилган. Жумладан, «Дўстлик» теннис корти, «Пахлавон», «Баркамол авлод» мажмуалари ва бошқа қатор ўқув юрларининг спорт иншоотлари ҳам янги-ча қиёфа касб этаётди.

«Баркамол авлод — 2014» мусобақаларида қатнашиш учун икки минг нафардан зиёд киши Наманганга таъриф бу-юрди. Дастурдан эса ўн олти спорт тури бўйича беллашувлар ўрин олган. Мусобақа қатнашчилари учун кенг миқ-

ёсдаги маданий-маърифий тадбирлар ўтказиш режалаштирилган. Шаҳарнинг диққатга сазовор жойларига сарҳатлар, йирик саноат корхоналари, музейлар, истироҳат божлари билан уларни таништириш кўзда тутилган. Алишер Навоий номидаги вилоят мусиқали драма ва комедия театри, фольклор ва эстрада дасталарининг ижодий жамоалари эса дам олиш вақтларида спортчиларга маданий хизмат кўрсатади.

Азиздан гуллар шаҳри, дея таърифланган Наманган мамлакат миқёсидаги йирик мусобақалардан бирига мезбонлик қилиш аракосида гулу гулзорларга бурканмоқда. Шаҳарда ҳужм сурадиган дўстона рақобат руҳи «Баркамол авлод»нинг рекордларини янгилашга, шу билан бирга, халқаро миқёсда кўлга қиритилмоқдаги юқори натижаларга ҳам замин яратиши тайин.



Шифохона ўққа тутилди

Марказий Африка Республикасидаги «Чегарасиз шифокорлар» шифохонасига уюштирилган ҳужум оқибатида 20 нафардан зиёд киши нобуд бўлди.



Фожиа пойтахт Банги шаҳридан 450 км. шимолдаги Нанга Боғула қишлоғида юз берган. Қурбонлар орасида уч нафар ши-

фокор ҳамда 15 нафар маҳаллий жамоалар етакчилари бор. Ҳужумни ҳеч бир гуруҳ ўз зиммасига олмаган. Мамлакатда «Селека» мусулмон ташкилоти жангарилари ҳамда «Анти-балака» христиан-исёнчилари ўртасида қуролли тўқнашувлар тез-тез содир бўлиб турди. Ўтган йил охирида қузатилган ана шундай низо оқибатида минг нафардан зиёд киши ҳаётдан қўз юмиб, миллион нафарга яқин одам кўчишга мажбур бўлганди.

Қуюн исканжасида

АҚШ жанубида юз берган қуюн 21 нафар кишини ҳаётдан олиб кетди.



Атиги минг кишига яқин Аҳолиси бўлган Куапо шаҳарчасидаги кўлаб биноларга жиддий зарар етган. Канзас ҳамда Арканзас штатларида ҳам табиий офат етказган зарар қўла-ми аниқланмоқда. Шунингдек, қуюн Миссури, Миссисипи, Небраска, Айова, Оклахома, Техас, Шимолӣ Каролина ва Луизиана штатларига ҳам қутқу солган.

АЭС қурилиши тўхтатилди

Тайванда янги атом электр станцияси қурилишини вақтинча тўхтатиш тўғрисида қарор қабул қилинди.



Янги Тайбэдаги АЭС қурилишининг тўксон фоиздан

зиёд иши ниятсизга етган-ди. Бироқ 2011 йилда Япониянинг «Фукусима дай-ити» станциясидаги ҳалокат Тайван аҳолиси ўртасида ҳавотирларни кучайтириб юборган.

Расмийлар АЭС қурилиши бўйича референдум ўтказиш юзасидан қарор қабул қилиб, қурилишни номаълум муддатга қолдиришган. Референдум санаси маълум қилинмаган.

Сўнгги мактуб сотилди

Англияда ўтган кимошди савдоларида муз қояга урилиб чўккан улкан «Титаник» кемасида ёзилган энг сўнгги мактуб 119 минг фунт(қарийб 200 минг АҚШ доллари)га сотилди.

Эстер Харт ва унинг 7 ёшли қизи Ева томонидан ҳалокатдан 8 соат олдин онасига ёзилган мактуб эри Бенжаминнинг пальтоси чўнтагидан топилиган. Уларнинг бари 1500 нафар йўлов-

чи ва экипаж аъзоларига қўшилиб ҳалок бўлишган. Ташкилотчиларнинг фикрича, бу хат турдошлари орасида қиммат нархга баҳолангани билан ажралиб туради.

■ **Интернет материаллари асосида
Ф. КОМРОН тайёрлади.**

СПОРТ

Урганчда «ақл жанги»

Урганч шаҳрида «Камолот» шахмат тахтаси» VII анъанавий республика турнирининг финал босқичи бўлиб ўтди.

■ **Мухбиримиз.**

5 ёш тоифасидаги ўғил ва қизлар ўртасида ўтказилган турнирда бу йил 450 минг нафардан зиёд ёш қатнашди. Саралаш босқичларида муваффақиятли иштирок этган 1 минг 900 нафардан зиёд ҳаваскор шахматчининг 140 нафари турнирнинг фи-



нал босқичида беллашди. Ўғил болалар ўртасидаги баҳсларда Тошкент вилоятидан О.Раҳматуллаев, фарғоналик Ж.Ҳакимов ва А.Соби-ров, жаҳонийлик А.Эшпўлатов ва қорақалпоқистонлик З.Каримбоев ўз ёш тоифасида голибликни кўлга киритди.

Қизлар ўртасида ҳоразмлик С.Бахтиёрова, Тошкент шаҳридан С.Қиличева, қашқадарёлик Х.Номозова, навоийлик М.Ўқтамова, жиззахлик И.Жафарова ўз ёш тоифаларига кўра биринчи ўринни эгаллади.

Мусобақа голиблари ва фаол иштирокчилари ташкилотчиларнинг фахрий ёрлик ва эсдалик совғалари билан тақдирланди.

КЎРИК-ТАНЛОВ

Энг намунали, энг муносиблар баҳси

Пойтахтимизнинг Чилонзор туманида «Фуқаролар йиғинларининг энг намунали диний маърифат ва маънавий-ахлоқий тарбия масалалари бўйича маслаҳатчиси» кўрик-танловининг туман босқичи бўлиб ўтди.

■ **С. МАХСУМОВА
«Mahalla»**

Б у йилги кўрик-танлов Вази-рлар Маҳкамаси томонидан 2014 йил 22 февралдаги 37-сонли баёни билан тасдиқланган «Ўзбекистон Республикасида 2014 йилда фуқаролар ўзини ўзи бошқариш органлари фаолиятининг самарадорлигини янада ошириш чора-тадбирлари тўғрисида»ги Дастурнинг 32-банди ижросини таъминлаш мақсадида «Маҳалла» хайрия жамоат фонди Чилонзор тумани бўлини-маси, Хотин-қизлар кўмитаси, Маъна-

вият тарғибот маркази, «Камолот» ёшлар ижтимоий ҳаракати, Ички ишлар бошқармаси, тиббиёт бирлашмаси, маданият ва спорт бўлими ҳамкорлигида ташкил этилди.

Танловда маҳаллалардан 1-ўринга сазовор бўлган «Катта Хирмонтепа», «Дўстлик», «Олмасор», «1-Қатортол», «Катта Дўмбиробод» ва «Меҳроқ» маҳалла фуқаролар йиғинлари маслаҳатчилари 3 та шарт бўйича ўзаро беллашдилар.

Танлов иштирокчилари оилалар тинчлиги, маънавий муҳит барқарорлигини таъминлаш, миллий қадриятларни кенг тарғиб қилиш, «Соғлом бола» гоясининг мазмун-моҳияти, фу-

қаролар йиғинлари ҳудудида аҳоли, биринчи навбатда, ёшлар орасида соғлом турмуш тарзини қарор топтириш, жамиятда маҳалла институтининг нуфузини янада ошириш бўйича ўзаро тажриба алмашишди.

Танлов сўнгига барча шартлардан муваффақиятли ўтган «Катта Хирмонтепа» маҳалласининг диний маърифат ва маънавий-ахлоқий тарбия масалалари бўйича маслаҳатчиси Шарофат Абдиева биринчи, «Дўстлик» маҳалласи вакиласи иккинчи ҳамда «Олмасор» вакиласи учинчи ўринга лойиқ топилди. Биринчи ўрин соҳибаси Шарофат Абдиева навбатдаги босқичга йўлланмани кўлга киритди.

Танлов иштирокчилари ҳамкор ташкилотларнинг фахрий ёрлик ва эсдалик совғалари билан тақдирландилар.



■ Н.ҲАЙДАРОВ олган сурат.

Учсой улкан ўзгаришлар оғушида

«Агробанк» ОАТБнинг Самар-
қанд вилояти бошқармиси республика-
ликамиз молия бозорига тобора
муштахкам мавқега эга бўлиб бора-
ётир. Иқтисодий ислохотларни чу-
қурлаштириш, миқозларнинг талаб
ва эҳтиёжларини қондириш, тадбир-
корлик ҳақида фермерлик ҳаракати-
тини кенгайтириш ушбу муассаса
жамоасининг яқдил мақсодиридир.